

ESCOLA GALEGA DE ADMINISTRACIÓN PÚBLICA

Resolución do 23 de marzo de 2010 pola que se convoca un congreso sobre Unha visión xurídica do Camiño de Santiago.

Dentro do plan de actividades da Escola Galega de Administración Pública para o ano 2010 e de acordo coas funcións atribuídas pola Lei 4/1987, do 27 de maio, de creación da escola, e pola Lei 10/1989, do 10 de xullo, de modificación da anterior, convócase, en colaboración coa Asociación Profesional de Letrados da Xunta de Galicia, un congreso sobre Unha visión xurídica do Camiño de Santiago, conforme ás seguintes bases:

Primeira.-*Obxectivos.*

Tratarase dun congreso que analizará a situación da normativa de protección dos Camiños na nosa comunidade autónoma e da súa necesaria reforma, analizará os problemas contenciosos e penais derivados do camiño e estudaranse todos os problemas de xestión desde un punto de vista xurídico, de aí que poida destinarse a todos os xestores pero tamén a órganos de fiscalización xurídica e resolución de problemas de índole xurisdiccional (avogados do Estado, letrados de todas as comunidades autónomas, da Seguridade Social, asesores xurídicos municipais, etc.).

Segunda.-*Contidos.*

Serán tratados, entre outros, os seguintes temas:

-A normativa do Camiño de Santiago. A década dos 90 como período de revitalización xurídica do Camiño de Santiago.

-A protección do Camiño de Santiago e do peregrino ao longo da historia.

-A protección xurídica do Camiño de Santiago.

-A acción administrativa de fomento do Camiño de Santiago.

-A problemática xurídico-contenciosa vinculada ao Camiño de Santiago.

-A protección europea do Camiño de Santiago.

-Os delitos no Camiño de Santiago.

-A protección xurídica do peregrino.

-A Administración creada ao servizo do Camiño.

-A regulación do sector turístico en Galicia.

-Estudo do preciso desenvolvemento normativo para a protección do Camiño de Santiago.

Terceira.-*Destinatarios.*

Representantes de todas as áreas da administración autonómica e das súas entidades dependentes vinculadas á xestión de materias relacionadas co Camiño de Santiago e representantes doutras administracións públicas (Estado, comunidades autónomas e entidades locais) implicadas na execución do

Xacobeo 2010, alumnos universitarios das titulacións relacionadas coas materias a tratar no congreso, funcionarios de todas as administracións públicas e interesados en xeral.

Cuarta.-*Desenvolvemento.*

Lugar: Escola Galega de Administración Pública (EGAP), r/ Madrid, 2-4, Santiago de Compostela.

Data: 14, 15 e 16 de abril.

Duración: 20 horas lectivas.

Quinta.-*Número de prazas.*

Limitado pola capacidade do local.

Sexta.-*Solicitudes.*

-Tramitación de solicitudes: as solicitudes irán dirixidas ao director da Escola Galega de Administración Pública (Polígono das Fontiñas, r/ Madrid, 2-4, CP 15707, Santiago de Compostela), segundo o modelo que figura como anexo a esta convocatoria, e serán presentadas no rexistro xeral da EGAP, ou ben de calquera das formas previstas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común. Serán admitidas inscricións por medio de fax enviado ao número 981 54 63 30 ou por correo electrónico dirixido ao enderezo novas.egap@xunta.es.

-Inscricións fóra de prazo: só serán admitidas, de quedar prazas libres, coa condición de que cumpran os requisitos xerais antes indicados.

As persoas solicitantes poderán obter a confirmación da súa admisión se chaman por teléfono, das 08.30 ás 14.30 horas, aos seguintes números: 981 54 62 41 - 881 99 70 14.

Sétima.-*Prazo.*

O prazo de presentación de solicitudes finalizará o luns 12 de abril de 2010.

Oitava.-*Modificacións.*

A EGAP reserva para si a facultade de interpretar e de resolver as incidencias que poidan xurdir no desenvolvemento deste congreso, así como a facultade de cancelalo se o escaso número de solicitudes non xustificase a súa realización.

Novena.-*Certificado de asistencia.*

Será entregado un certificado de asistencia, ao final do congreso, a aquelas persoas inscritas que participasen asiduamente, e sempre que a súa asistencia sexa igual ou superior ao 85% das horas lectivas programadas. Neste documento aparecerán de forma expresa a natureza da actividade e a data de realización.

Santiago de Compostela, 23 de marzo de 2010.

Pablo Figueroa Dorrego
Director da Escola Galega de Administración
Pública

FOLLA DE INSCRICIÓN

1. SOLICITANTE	
Apelidos	DNI
Nome	
2. DATOS PROFESIONAIS	
Posto de traballo/ Profesión	Nivel (2)
Corpo, subgrupo ou escala (1)	
Entidade na que presta servizos: (3)	
Enderezo do posto de traballo: Rúa	Nº
Localidade	Provincia
CP	Tíno.
Correo electrónico:	
3. ACTIVIDADE SOLICITADA	
Solicita asistir ao Congreso sobre " <i>Unha Visión Xurídica do Camiño de Santiago</i> " que terá lugar os días 14, 15 e 16 de abril de 2010 na Escola Galega de Administración Pública (EGAP), rúa de Madrid, 2-4, polígono das Fontiñas, Santiago de Compostela	
Sinatura,	
..... de de 2010	
Os datos de carácter persoal contidos no impreso poderán ser incluídos nun ficheiro para o seu tratamento por este órgano administrativo, como titular responsable deste, no uso das funcións propias que teñen atribuídas e no ámbito das súas competencias. Así mesmo, infórmase da posibilidade de exercer os dereitos de acceso, rectificación, cancelación e oposición, todo isto de conformidade co disposto no artigo 5 da Lei orgánica 15/1999, de protección de datos de carácter persoal (BOE nº 298, do 14 de decembro)	

(1, 2 e 3): cubrir só en caso de ser funcionario ou funcionaria.

Director da EGAP. Polígono das Fontiñas, rúa de Madrid, 2-4, CP 15707, Santiago de Compostela (A Coruña)

Resolución do 25 de marzo de 2010 pola que se convocan as xornadas Paisaxe con cidade ao fondo. Cultura, patrimonio e administración.

Dentro do plan de actividades da Escola Galega de Administración Pública para o ano 2010 e de acordo coas funcións atribuídas pola Lei 4/1987, do 27 de maio, de creación da Escola, e pola Lei 10/1989, do 10 de xullo, de modificación da anterior, convócanse as xornadas Paisaxe con cidade ao fondo. Cultura, patrimonio e administración conforme as seguintes bases:

1. Obxectivos.

O obxectivo destas xornadas é reflexionar e debater arredor das sinerxias que xorden na administración, o patrimonio cultural e o seu aproveitamento dentro dun marco tan significativo para Galicia como é a cidade histórica. Abordarase desde as perspectivas urbanística, patrimonial, arquitectónica e histórico-artística.

2. Contidos.

Serán tratados, entre outros, os seguintes temas:

1. Santiago de Compostela, a fin do Camiño.
2. Memoria e patrimonio. A súa permanencia como reclamo turístico.
3. Iconografía urbana. A imaxe da cidade histórica en Galicia a través da plástica do século XX.
4. A Real Fundación de Toledo.
5. Urbanismo, ordenación do territorio e patrimonio cultural.
6. A cidade histórica no marco xurídico galego.

7. Cara a unha nova lexislación sobre patrimonio.
8. Rutas, fortalezas e cidades. O singular caso do Marrocos.
9. A lexitimidade dun encontro. A definición dunha identidade visual para a cidade histórica.
10. Permanencia e renovación urbanas. O caso de Santiago de Compostela.
11. Diálogos urbanos entre a historia e a modernidade.
12. A nova arquitectura na paisaxe urbana da cidade histórica galega.
13. A igrexa e a configuración do seu novo patrimonio arquitectónico.
14. Cáceres. Un proxecto de capitalidade cultural para o 2016.
15. A Torre de Hércules. Un expediente para a súa declaración como Patrimonio da Humanidade.
16. Centro histórico e sustentabilidade.
17. Patrimonio, paisaxe e sustentabilidade.

3. Destinatarios.

Persoal das diferentes administracións públicas, administración municipal e autonómica, turismo, axentes vinculados co turismo, historiadores da arte, arquitectos e xestores do patrimonio e interesados en xeral.

4. Desenvolvemento.

Lugar: Escola Galega de Administración Pública (EGAP), rúa de Madrid, 2-4, Santiago de Compostela.

Datas: 13, 21 e 28 de abril; 5, 11 e 19 de maio.

Horario: de tarde.